

欽定四庫全書

子部

薛氏醫案卷五



南京中医药大学图书馆版权所有

詳校官太醫院吏目臣朱桂

編修臣倉聖脈覆勘

保嬰堂

寒秋驟

兒稟

苦難於不割膜或升前後

明薛已撰

或肝疳食積或胎氣所
系如貫珠當分表裏而
參敗毒散若作痛或寒

熱肝火也用加味小柴胡湯若隱於肉裏而色不變肝
疳食積也用九味蘆薈丸若膿成不潰或潰不斂脾氣
虛也用益氣養榮湯凡女子頸腋不問有無結核但作
寒熱肝脉長出魚際乃血盛無偶之症用生地黃丸治
法雖清肝火須兼滋腎水以生肝木否則多變為瘰癧
眼中有赤脉上貫瞳神見幾條則幾歲死無則可治

治驗

閣老梁厚齋侄患此膿水淋漓其核未消發熱憎寒此

肝經血氣虛而有熱用補陰八珍湯為主間以清肝益榮湯而愈後復結核日晡熱甚小便赤濇發熱作渴此肝經血虛所致用參芍柴苓湯為主佐以六味九加柴胡山梔治之而消

閣老楊石齋子年十五歲發熱作渴日晡煩赤脉數無力症屬陰虛有熱用補陰八珍湯五十餘劑又加參芪二十劑而潰但膿水清稀肌肉不生此脾氣虛也以參芪歸朮為主佐以白芍藥熟地麥門五味氣血乃復遂

以必效散一服癰毒去而瘡斂矣

閣老張羅峯孫患此掌院公授以化痰削堅之劑夜熱吐痰甚劇邀余治之時值季夏脉浮大按之而濇余曰症屬於肝而反見肺脉當甚於金旺之際至期果卒其嗣中書患勞瘵公以火治之雖少愈而晡熱未止復囑余治其時孟冬脉洪數余謂水虧火旺不宜於夏公愈忌余尋構謗余由此而歸後季夏中書竟不起翁乃服前言不安蓋二症皆屬陰虛設滋化源猶可冀其生柰

何見之不早也

張光祿子十三歲患此三年未愈不時寒熱飲食少思此肝火而脾血虛也用益脾清肝散佐以九味蘆薈丸而痊年十六復患莖痿或謂腎氣虛寒服溫補之藥竅出臭津舊痕腫痛予用清肝火藥而愈

大尹周應昌子十五歲患此恪用化痰等劑虛症悉至余曰小便頻數肝經陰虛也兩目連劄肝經風熱也作嘔懶食胃氣虛弱也泄瀉後重脾氣虛陷也用補中益

氣湯六味地黃丸而痊

舉人杜克宏子頸腫發熱四肢發搐口噤痰湧此肝膽經症即急驚風也先用瀉青丸一服又用六味丸二服諸症頓退乃以小柴胡加芎歸山梔鉤藤鉤而安却用補中益氣湯而愈

一小兒十四歲患二年矣膿水清稀肌體骨立晡熱盜汗口乾欬痰此腎水不能生肝木用補中益氣湯六味地黃丸三月餘元氣復而瘡漸愈

周世菊子十一歲眉間生一核如赤小豆出血如注發熱倦怠食少體瘦此肝經血熱脾經氣虛用柴芍參薈散九味蘆薈丸而愈

一女子十六歲經事不調項側兩臂胸乳脇肋兩股兩腿內外腠有核如榛如豆不計其數隱於肉裡其色不變大按則痛或投以降火消毒不按自痛發熱作渴日晡益甚經水過期左關脉數此肝火血燥也用清肝益榮湯六十餘劑諸症已愈惟項核未消以當歸龍薈丸

數服及八珍湯加柴胡山梔三十餘劑而痊

一女子耳下結核焮痛寒熱此屬肝經風熱用梔子清肝散一劑諸症悉愈後因怒耳前後并額兩角作痛寒熱此兼少陽經症仍以前藥加羌活二劑而痊

一女子十五歲項患五核時常寒熱肝脉弦長而出寸口此血盛無偶之症也用小柴胡湯加生地烏梅治之而愈舍親吳海槎子十五歲肝膽經部分結數核每服化痰之劑乙巳春形體消瘦膿成不潰脉洪數無力余

用大補之劑元氣頓復潰者漸愈腫者膿成惑於衆論服內消之劑吐瀉大作而死余治肝膽經症數人至乙巳風木之年實者得痊虛者必歿

驚搐瘰癧

小兒因驚搐項側肉裏結核屬肝脾之症當治其本而末自退假如因外邪而致者清表為主木旺而致者清肝為主停食而致者消導為主脾傷而致者調中為主大凡肝木自病驚搐痰壅目睵抽搐等症是為有餘宜

涼肝生血實脾土則火自息而風自定矣若肝木侮脾土而致前症是為不足宜滋腎水實脾土則肝得血而熱自退風自息矣其食積致痰而患者當調補脾胃脾胃既健則食化痰清而核亦自消矣若用金石香燥之劑脾損陰消不惟結核不散適足以成慢驚矣

治驗

冬官朱小溪子項間結核面色痿黃肌體消瘦咬牙抽搦頭搖目劓此肝木尅脾土用六君子湯九味蘆薈丸

而愈

謝吏部子項間及四肢結核久潰形體骨立大便不調
小便頻數此肝脾之症用九味蘆薈九補中益氣湯而
愈

吳侍御子項久結核目劓唇動搖頭抽搐此風木凌脾
土用阜角子九補中益氣湯漸愈九味蘆薈九而愈

下堡顧斐齋玄孫甫週歲項間結核兩臂反張索敗毒
之藥余意其症屬肝經血燥未敢付藥翌早請治詢之

嘗患驚風或用硃砂等劑服之以致此耳遂與六味丸
滋其肝血一服而愈蓋硃砂金石之藥大助陽火況小
兒臟腑脆軟不可用也嘗觀周禮註以硃砂雄黃等為
五毒內經以石藥之氣為慄悍宋史以火煉硃砂牙硝
生犀等為化毒丹薛居正服之而暴卒夫何令人執古
偏方用金石之藥耶或用抱龍丸及黃連大寒諸藥皆
遭其毒予不能不為之惻然也因併及之

儒者王文遠子痰盛發搐服金石香散之劑手足筋攣

此肝血復傷即急驚風也遂用加味小柴胡加鈎藤鈎
山梔芍歸一服六味丸料加五味門冬而安
一小兒病後遇驚即痰盛咬牙抽搐搖頭作渴却服腦
麝硃砂等藥以致慢驚而卒

流注

小兒流注或因閃跌瘀血滯於隧道或因脾虛濕痰流
於經絡或因肝火氣逆結於肢節或因元氣虛弱外邪
搏於肉裏或因脾經積熱或因稟賦所致乃不足之症

也治法閃跌氣滯者和血定痛九濕痰濕熱者健脾滲
濕湯肝熱風熱者九味蘆薈九食積脾熱者四味肥兒
九稟賦鬱火者九味蘆薈九間以補元氣扶脾胃則未
成者自散已成者自潰若膿成而未潰者元氣虛也先
補而針之庶使膿毒不致內攻氣血不致陷脫若膿出
而反痛氣血虛也八珍湯作嘔少食胃氣虛也四君子
湯欲嘔不食或腹脹有痰脾胃傷也六君子湯口噤搐
搦等症氣血虛極而變症也十全大補湯內傷晡熱陰

血虛於內也四味參苓白朮表熱惡寒者陽氣浮於外也十全大補湯仍審其傳變兼變而治之若熱來復去晝見夜伏晝伏夜發或時節而動是謂虛熱當亟補元氣色赤腫硬而膿稠尚可治不赤腫破而膿清脉大寒熱發渴不受補者皆不治

治驗

鴻臚楊國威子年十二左脇下患此或用流氣敗毒之劑至半載而潰又用十宣托裏之類年餘不斂左右脉數